

亥 21

7943-5

醫藥叢書

第三集
第五種

周氏集驗方續編



中華民國十年冬月鑄版定價每冊

周氏集驗方續編

紹興醫藥學報社發行



版藏紹
興裘氏



醫學叢書三集序

嘗思中華文明肇自三墳伏羲易經神農本經黃帝內經三皇之書卽三墳也而其中論醫藥者實居其二誠以上古聖神君相莫不以醫藥活人爲首圖故其開天闢地之著作嘉惠後世流澤無窮後世果奉爲規臬莫不立起沈痾救人無算若周之越人漢之仲景晉之叔和唐之思邈繼往開來醫術昭著史冊彰彰可考也自唐迄今良醫世出祖述憲章與古爲新偶有著述其精到之處皆可與本經內經相發明故其留於墨楮間者皆可寶貴也乃自西學東漸競尙新奇本經內經猶欲弁毛棄之何況後世之著述乎然西人之於臟腑論形迹而不論氣化知作用而不知性情故臨證囿於局部而無隔一隔二之治法使習醫者輕棄舊日國粹而徒尙西法其於醫學實無盡善盡美之一日此事僕敢斷言也紹興吉生裘君當世哲學士也慨然以振興醫學爲己任召號同志創立醫藥學報社出報兩種已風行遠近而復廣搜近世之精粹醫書或爲

專家藏本或爲名賢貽稿彙爲醫學叢書初集二集所選各六種已鏤版行世至三集遴選亦六種其研經言吳氏醫案周氏集驗方惜分陰軒醫案皆續前編所未畢外此有葉氏醫案係葉香巖晚年所著張氏白喉證治通攷係錢塘張純庵潤喉證之危險旁搜博採參以己意輯爲成書二種皆佳編也因付梓工將告竣馳書命僕作序僕乃落拓布衣耳學淺才疏伏處衡茅卽大聲疾呼何能取重當世然而區區寸衷固與裘君有同志焉夫氣數之循環無往不復吾中華醫學神聖創垂如日月經天一時或掩於雲霧終當長昭於萬古裘君集此叢書之意以爲其速傳於世也洵可爲當世之幸福其不能速傳於世也可爲後世之剝果蒙泉有如魯壁古經當斯文絕續之交而倍覺寶貴已僕願自今以往其重中法者固可奉斯書爲準繩卽重西法者亦宜備此書爲參攷迨至醫學進化中西滙通人人知此書爲必需之書而後裘君之心乃大白於天下

辛酉仲夏愚弟張錫純壽甫氏敬序於奉天立達醫院



醫藥叢書第三集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝爲完全藏書格式且爲完全國貨

一是集所採各書共計六種皆爲極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除附印另議外照定價均無折扣但書業報社代售者不在此例

一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻刻

一購書者將書價及郵費一併用郵匯最爲妥便不通郵匯之處以郵票代銀亦可但須固封函內掛號直寄紹興城中醫藥學報社收當班奉書不悞

一下集所採書目研經言吳氏醫案惜分陰軒案四集徐批葉氏晚年醫案四種繼續前集外餘爲讀有用書樓藏書醫家類簡目激廬醫話其亦六種幅頁較前加增定價仍每部一元六角外埠加郵力一角六分惟因紙價昂貴不售預約



周氏集驗方續編序

施藥之事痼痼在抱久爲社會所欽仰人苟嬰沈疴困頓癰疥微瘍有能立釋苦厄其感激之心有難盡情言謝矣藥之施其救濟狹而小不如方之施其救濟廣而大如使靈方驗藥一時價重多金或倉卒不能立辦窮檐蔀屋仍復望洋興嘆周君小農與予契交最久其尊甫華農先生當今純仁長者性甘淡泊嗜好全捐生平孝友情篤一介不苟雅好方藥前有易簡方集驗方之刊力殫多金難辦之弊諒有識者所共賞今先生又搜輯集驗方續編校讐付梓俱近時新驗良方與前編相輝映可推爲社會衛生鴻寶也且夫時移世變疾病日多古無今有病萬變方亦萬變不有慈善文豪珍集而剞劂之遂隨世遺亡散佚後之人遇疾難廖並前賢創方苦心亦不白於天下彼千金外臺聖惠等書良方繁博靡涖多則多矣然非醫識高超不能披沙采金何若斯編開門見山之易也聰明安富之儔耗精神於誤用渙千金於遊戲觀周君驗方之刊當

亦有悔適從周君既為當世慈善大家良因善果施報無窮此編續出不僅洛陽紙貴國粹增光儼視為代瘡痍造福亦淺之乎測周君矣不揣鄙陋爰為之序

中華民國八年一月止浣古黟江村王壽芝謹識

茲乘兩陪風之盛

茲乘兩陪風之盛

茲乘兩陪風之盛

茲乘兩陪風之盛

茲乘兩陪風之盛

茲乘兩陪風之盛

茲乘兩陪風之盛

茲乘兩陪風之盛

茲乘兩陪風之盛



周君莘農小傳

周憬字莘農江蘇常州無錫籍幼丁洪楊之亂備歷艱辛長而習商性甘淡泊自幼不嗜烟酒事繼母維謹待繼母所出諸昆仲友愛備至偶有拂逆絕不與校而處之故怡怡如也尊人達三公曾刊感應篇及勸戒溺女圖說以懲薄俗先生體尊人之志以好善方便爲事賙人急濟人困損己利人只求於事有濟後尊人以營業失敗先生走滬上同鄉祝蘭舫氏器重其人聘司會計生平於嘉言懿行奉行維虔得戴翊青撰朱柏廬治家格言釋義卽醵資印行而於矜孤恤寡施米贈方均踴勉從事不亂勞乏哲嗣鎮幼慧多疾詩書誦習後乃命學醫於毘陵張聿青氏迨其畢業也爲之定最低之診例甚至有滬紳已請薄其低例來辭不必去者先生廉得其情則曰人以爲高價則物美詎知醫以濟人爲事非是謀利之途不僅低其例且當贈診給藥以副吾行吾素之志其教督後嗣如是然先生雖不知醫而性喜經驗方戚友有恙與方合者投之往往

應手而愈求其方則錄以示人常言古人經驗方則中醫之國粹也彙錄盈冊
日久慮其散佚於乙巳庚戌兩次付印行世今紹興醫藥學報社已採入叢書
繼登報徵集驗方續編茲又付印孫源未弱冠喜屬文有怨惠學西術者先生
鑒於浙省某軍醫誤發藥事仍令誦國醫書曰西不必皆可法中不必皆可廢
要在精耳先生經兩次大病丙午因傷而足痿巳酉痢血日百次極危有勸服
鴉片以瀉痢者先生婉却之曰子素恨此生平未涉足烟館豈可因病而破戒
乎其律已之嚴如此今先生精神矍鑠子肖孫賢備享天倫之樂易曰積善之
家必有餘慶因果之說信而有諸

中華民國七年冬月古黟江村王壽芝撰

集驗方續編自序

余前輯易簡方集驗方丙辰歲紹興醫藥學報社採入醫藥叢書第一集刊印繼思近世新驗方浩如烟海非一卷方書所能盡備者乃於民國三年起留心選輯並登各報以徵求承海內諸君不棄選驗寄下積數年珍集成帙矣乃既別盡善者錄爲一卷卽斯編是也近日新病爲前編所未備如急救吞燒火鏹水等毒方較前編爲畧全付刊之舉事不容緩其中有他人已驗之方藥品稍戾乎正者或馳書商榷或去霸存純雖在外省必詢謀僉同而後已如藥品此地所有而他省所無方雖佳無錄也編書之難慎如是然人之體質方地異宜不能概論用之得當則效如影響不當受患亦深則有方與病合治驗不應者非方不驗實與人之體質有宜有不宜也海內醫學家當不河漢斯言聊誌緣起以告閱者俾知審慎云爾

民國八年歲次己未春仲

無錫周憬莘農謹序

醫藥叢書第三集總目

第一種 莫枚士研經言卷三

第二種 吳氏醫案卷三

第三種 惜分陰軒醫案三集

第四種 葉天士晚年醫案卷上

第五種 周氏集驗方續編

第六種 張氏白喉證治通攷

周氏集驗方續編

無錫 周 憬莘農選輯

男 鎮小農參訂

紹興 裘慶元吉生校刊

孫 源逢儒校

喉舌門

雙單蛾○用白鳳仙花子數粒焙乾研末吹上立消

單雙蛾喉症外用○陳燕子窩泥研碎用麻油調勻敷於喉痛皮外之頸項見

流涎爲度百發百中

喉症秘藥

林鳳

○清熱解毒防腐生肌始終用之無不皆效 鮮楊樹一段約

茶盃口粗尺半長中間挖空填滿白礬將樹兩頭架炭火上燒炙俟樹汁破

火逼至中間與礬溶化

停火取出枯礬研細酌加

梅片少許吹喉流出痰涎即愈

喉赤腫痛

殘夢齋隨筆

○甚至絕粒者可以清晨第一汲井水購金果攪

（藥店皆有）

磨汁開水沖服即愈

其味苦性涼能愈喉科險症

周氏集驗方續編

喉舌門



喉症簡便方戴鶴書○喉中方覺脹滿起泡急以食鹽搓手掌心乾復易新鹽擦

之數刻即消極效

西藏青果爲喉症要藥曹赤電○主治咽喉腫痛消痰化涎性寒味苦兼治痰癰

服時以一錢潔淨水煎停溫時呷

喉痛效方袁顧○鮮薄荷 鮮萊菔 鮮梨去核三味搗汁溫飲效

咽門黑泡赤水元珠○由腦門生一紅綫如髮懸一黑泡大如櫻珠用刀點即死

杜牛膝根即天名精對節方梗綠葉有紋搗汁滴鼻中三四次絲斷珠破吐出瘀血立效

並治乳蛾左蛾滴右鼻孔右蛾滴左鼻孔雙蛾左右俱滴吐出痰涎其喉立開

喉症吹藥唐子衡○土牛膝根去葉梗洗切片曬乾新瓦上略焙研細末人中

白各二錢以上兩味研勻加梅片四分瓶貯勿洩氣吹時每日夜輕者十餘

次重者多吹即痊

喉風急閉驗方王理堂○膽礬一錢 白殭蠶一錢 研細加麝香少許 吹喉中立驗

絳雪丹 方氏治喉風喉疳喉癰重舌牙 牙硝 大西瓜 上好頭藤者一箇挖去瓢 裝

硝懸屋檐下用磁盆接其所滴之水冰凝成雪 雪凝瓜皮上者更佳 每用飛硝一兩加

飛辰砂一錢 冰片麝香 各二分 研勻每用少許吹患處其涼如雪

喉風吹藥 ○臘月取蘿蔔一枚開一空中儲皮硝嵌滿紮好懸於簷際通風處

俟其霜弔出取為吹藥時研入梅片一味屢驗

黃藥治喉風重症 華也青得友傳專治月石七錢蒲黃面一兩製硝五錢陳

溫明遠先生鈔 腫痛 佳梅片 三分 同研至無聲為度若遇喉風重症此為至要之藥用紫藥 後見二

分黃藥八分同拼吹用倘二三管無痰連吹七八管無不立效 製硝法錄後

製硝法 ○ 如欲多合照 每牙硝一筋 用河水 八中 用文火煎至六中碗另備生

甘草 四兩 先煎水一椀去渣一同放入硝鍋內同煎取尖底小廠缸一只沙

盆亦可倒在缸中以柴帚紮就三尖架式擇天氣清明冬天極冷之夜製之
過一宵其硝無用者皆在底下有用者均已提在柴帚上矣若在柴帚頂上



者最佳但此硝提好須要陳至三三年可用愈陳愈好若便速用恐燥性太急反有損矣慎之

紫藥名曰薄荷頭一兩孩兒茶一兩梅片二分研細如香灰狀無聲爲度

如腫痛拼一半在腫痛藥內如碎爛拼一半在碎爛藥內腫痛重者少拼少

許腫痛輕者多拼少許碎爛亦然此爲拼用之藥

喉腫口不能開玉壺○黃豆七粒焙研入冰片少許共研勻吹入鼻內卽通

喉腫口不能張治外○如咽喉腫脹閉塞口不能開藥不能吹水不能入急用生

附子一枚故紙五錢研末和勻分作二餅大如茶鐘貼足心名湧如足冷及泉穴

在冬月以火入腳爐烘之約一時久喉間卽可吹藥服藥矣

纏喉風聖濟○雄黃牙皂藜蘆等分研末含水入口用此藥少許吹鼻中吐

去水涎出卽愈

玉鎖匙方氏○治喉閉纏喉痰壅口噤馬牙硝硼砂各三錢用新煑銀罐先

礪後硝層層間煉如昇枯礬之狀鬆脆爲妙放泥地出火氣加白殭蠶雄精各錢冰片

